



Obavijest o bajram-namazu

Poštovana braćo i sestre u dini Islamu, esselamu alejkum!

Kurban bajram je u petak, 31. jula 2020. godine u vremenu globalne pandemije koronavirusa. Bajramski obred će se širom svijeta obaviti u veoma izmjenjenom modusu u odnosu na prethodne godine i bajramske navike muslimana koje praktikuju u svom životu. Državne uprave su nametnule stroga pravila ponašanja na svakom mjestu za čija kršenja su predviđene zakonske sankcije. Ovo se odnosi kako na institucije i udruženja koja okupljaju ljude tako i na pojedince. Stoga ponovo apelujemo na saradnju svih nas kako bismo bajram-namaz u našoj džamiji klanjali u najboljem redu i miru.

Bajram-namaz u BIC Hamilton će se klanjati u dva termina uz stroge primjene zaštitnih mjera (maska, distanca 2 metra). U prostoru naše džamije istovremeno može biti samo 66 klanjača i to pravilo nam je svima poznato. **Prva grupa će klanjati bajram-namaz u 7:30AM (džamija će biti otvorena u 7AM), a druga grupa će klanjati u 8:45AM.** Ko prvi dođe, prvi će i ući.

Molimo vas, da sabah-namaz klanjate u kućama, a da u džamiju dođete 15 minuta prije bajram-namaza. Apelujemo na sve Vas da odstupite od izgovora kako ste oduvijek dolazili na sabah prije bajram-namaza i da to mora biti i ove godine! Okolnosti u Hamiltonu a i širom svijeta u posljednjih nekoliko mjeseci su u potpunosti izmijenjene tako da se od nas očekuje maksimum odgovornosti i kooperacije.

Svi klanjači su OBAVEZNI sa sobom donijeti masku za lice, bez koje ne mogu ući u prostor džamije, sedžadu za klanjanje i vrećicu za obuću. Molimo vas da dođete s abdestom budući da su abdesthane i sanitarni čvorovi zatvoreni i neće biti dostupni za upotrebu.

Još jednom pozivamo sve one iz rizičnih skupina, koji imaju bilo koji simptom prehlade, gripe, alergije ili povišenu temperature, da ne prisustvuju namazu, a da se oni koji klanjaju namaz suzdrže od fizičkog kontakta prilikom čestitanja i izbjegnu bilo kakva nepotrebna zadržavanja prilikom napuštanja džamijskih prostora.

Zbog ograničenog broja klanjača u džamiji, posebno molimo žene i osobe mlađe od 12 godina da ovaj put ne dolaze na bajram-namaz.

Molimo vas da se pridržavate mjera zaštite, uputa i smjernica osoblja džamije koji će biti za to zaduženi, kako zbog vlastitog zdravlja tako i zbog zdravlja onih oko vas.

Molimo Allaha dž.š. da nam pomogne da se što prije steknu uslovi za otvaranje džamije u njenom punom kapacitetu, da sljedeći bajram dočekamo u zdravlju, rahatluku i bez ikakvih restrikcija. Bajram šerif mubarek olsun!

Izvršni odbor BIC Hamilton
Imam Ismail ef. Fetić